

15. Տրված տարբերակներից ընտրե՛ք 3 ճիշտ պնդումները: 1,5 մ. (3 X 0,5 մ.)
- ա/ Հովհաննես Թութունջին 1666 թ. ժամանել է Փարիզ և հավաստիացրել ֆրանսիական արքունիքին, որ հայերը հույների հետ միասին պատրաստ են ապստամբել Օսմանյան կայսրության դեմ:
- բ/ Մահտեսի Շահնուրադը ճանապարհորդել է Եթովպիա՝ այդ երկիրը ևս հակաթուրքական պայքարի մեջ ընդգրկելու նպատակով:
- գ/ Ամենայն Հայոց կաթողիկոս Հակոբ Դ Ջուղայեցին 1678 թ. վերջերին Էջմիածնում գումարում է գաղտնի ժողով, որտեղ քննարկվում է Հայաստանի ազատագրության հարցը:
- դ/ Հակոբ Դ Ջուղայեցու հրավիրած գաղտնի ժողովին մասնակցում էին հոգևոր և աշխարհիկ 12 գործիչներ:
- ե/ 1699 թ. Սյունիքի մելիքների աջակցությամբ Անգեղակոթ գյուղում հրավիրվում է գաղտնի խորհրդակցություն:
- զ/ Անգեղակոթի գաղտնի խորհրդակցությունում Իսրայել Օրուն խորհուրդ են տալիս դադարեցնել բանակցությունները եվրոպական երկրների հետ և բանակցություններ սկսել ռուսական պետության հետ:
- է/ 1711 թ. Աստրախանում Իսրայել Օրին մահացավ, իսկ Գանձասարի կաթողիկոս Եսայի Հասան-Ջալալայանը շարունակեց ուղևորությունը դեպի Ռուսաստան:
- ը/ 1724 թ. հունիսին թուրքական բանակը գրավել է Թիֆլիսը և շարժվել դեպի Գանձակ, իսկ վրաց թագավոր Հերակլ 6-րդը հեռացել է Ռուսաստան:
- թ/ 1724 թ. հունիսի 12-ին կնքված պայմանագրով Թուրքիան ճանաչել է Մերձկասպյան շրջանների միացումը Ռուսաստանին, իսկ ռուսական կողմը՝ Թուրքիայի տնօրինությանը թողել Շամախիից արևմուտք ընկած երկրամասերը:

1	2	3

16. Ընտրե՛ք տերմինների 2 ճիշտ բացատրությունները: 1 մ. (2 X 0,5 մ.)
- ա/ 14-րդ դարի վերջերից Աղվանից եկեղեցու կաթողիկոսանիստ կենտրոն դարձավ Գանձասարի վանքը, ինչի պատճառով կաթողիկոսությունը անվանել են նաև Գանձասարի կաթողիկոսություն:
- բ/ Ուշ միջնադարում հայ կալվածատերերի զգալի մասը սեփական կալվածքները փրկելու նպատակով կամովին հանձնել են եկեղեցուն, իսկ իրենք էլ, ընդունելով հոգևոր կոչումներ, շարունակել են տիրել այդ կալվածքներին. այդպիսիներին անվանել են տեր-տեր:
- գ/ 19-րդ դարի կեսերին Կ. Պոլսում շարունակում էր գործել արևմտահայերի հոգևոր կենտրոնը՝ պատրիարքարանը:
- դ/ Պոլսահայ համայնքի գործերի կազմակերպմանը մասնակցում էր 1844 թ. ստեղծված Ազգային ժողովը, որի անդամներն ընտրվում էին ամբողջ ազգի կողմից:
- ե/ Կիլիկյան Հայաստանի գործակալությունների մեջ ազդեցիկ դեր ուներ արքունի քարտուղարությունը, որի գլխավոր պաշտոնյան կոչվում էր կանցլեր, ով ղեկավարում էր բանակցություններն օտար երկրների ներկայացուցիչների հետ և տնօրինում արքունի եկամուտներն ու ծախսերը:
- զ/ Կիլիկիայի հայոց բանակի սպառազինությամբ և պարենի մատակարարմամբ զբաղվում էր սպասալարությունը, որի ղեկավարը սպարապետի անմիջական տեղակալն էր:
- է/ Կիլիկյան Հայաստանում շրջանառության մեջ էին նաև բյուզանդական օրենքները՝ ասիզները:
- ը/ Կոստանդնուպոլսում 16-րդ դարում ձևավորվում է գերազանցապես արտաքին առևտրով զբաղվող մեծահարուստ հայ չելեբիների դասը. նրանք ընդգրկված էին իրենց շահերը պաշտպանող առանձին կազմակերպությունների՝ էսնաֆությունների մեջ:

1	2

17. Տրված տարբերակներից ընտրե՛ք 3 սխալ պնդումները: 1,5 մ. (3 X 0,5 մ.)
- ա/ 19-րդ դարի 50-70-ական թթ. հասարակական-քաղաքական գոյություն ունեցող բազմապիսի ուղղությունների մեջ հայկական միջավայրում ավելի հստակորեն զանազանվեցին պահպանողական և ազատական (լիբերալ) հոսանքները:
- բ/ Հայ ազատականության նշանավոր դեմքերից մեկը՝ Ստեփանոս Նազարյանցը, գտնում էր, որ ազգի խնդիրների լուծման համար կարևորագույն նշանակություն ունի քաղաքական ինքնորոշման պահանջների առաջադրումը:

գ/ Պոլսահայ ազատականների շարքում առանձնանում էին երգիծական ժանրի երկու խոշոր դեմքեր՝ «Մեղու» հանդեսի խմբագիր Հարություն Սվաճյանը և գրող, հրապարակոս Հակոբ Պարոնյանը:

դ/ Հայ քաղաքական մտքի ազգային հեղափոխական-ժողովրդավարական ուղղության հիմնադիրը Միքայել Նալբանդյանն էր, ով հանդես էր գալիս հայ ազգային արժեքները եվրոպական արժեքային համակարգին համահունչ դարձնելու և զարգացնելու գաղափարներով:

ե/ 1891 թ. սկզբին կնքված համաձայնագրով Արմենական կուսակցությունը միանում էր ՀՅԴ-ին:

զ/ 1863 թ. մայիսի 17-ին Կ.Պոլսի Ազգային ընդհանուր ժողովը հաստատում է ազգային սահմանադրությունը:

է/ Մկրտիչ Խրիմյանի շնորհիվ, ով 1869 թ. դարձել էր Կ.Պոլսի հայոց պատրիարք, ազգային սահմանադրությունը գործադրվել է Արևմտյան Հայաստանի բազմաթիվ գավառներում:

ը/ Անգլիան, Ֆրանսիան և Ռուսաստանը 1895 թ. մայիսի 11-ին սուլթանին հանձնել են մի նախագիծ, որը ստացել է Մայիսյան բարենորոգումների ծրագիր անունը:

թ/ Մայիսյան բարենորոգումների ծրագրի համաձայն՝ հայկական վեց նահանգներում սուլթանի կողմից նահանգապետեր պիտի հաստատվեին միայն տեղական բնակչության համար ցանկալի մարդիկ՝ առանց ազգային ու կրոնական խտրականության:

1	2	3

18. Գտե՛ք, նշե՛ք և ուղղե՛ք սխալը. 1 մ. (2 X 0,5 մ.)
1912 թ. հոկտեմբերին Թիֆլիսում ձևավորվեց (համազգային նոր կազմակերպություն՝ Հայոց ազգային կենտրոնական խորհուրդ (կարճ՝ Հայոց ազգային խորհուրդ):
19. Կարդացե՛ք սկզբնաղբյուրից մեջբերումը և պատասխանե՛ք հարցերին. 1,5 մ. (3 X 0,5 մ.)
«Բարձրյայն Ասրված թող ... Ձեր սրտի մեջ ներշնչի հավատի զգացումները՝ ազատելու համար բոլոր քրիստոնյաներին և հատկապես մեր ազգին»:
ա. Ո՞ւմ խոսքերն են մեջբերված:
բ. Ո՞ւմ է ուղղված նամակը, որից կատարված է մեջբերումը:
գ. Ե՞րբ է գրվել այդ նամակը:
20. Լրացրե՛ք տեքստում բաց թողնված հատվածները. 1,5 մ. (3 X 0,5 մ.)
1921 թ. ... -ին (1) ...-ում (2) Արշավիր Շիրակյանը իրականացրել է Հայոց ցեղասպանության մեղավորներից Օսմանյան կայսրության ... (3) Սայիդ Հալիմի վրիժառուական մահապարիժը:
21. Տրամաբանական խնդիր. Եթե Հայկական լեռնաշխարհում հնագիտական պեղումներից գտնված իրը 13200 տարեկան է, քարի դարի կոնկրետ ո՞ր պարբերափուլի (ժամանակաշրջանի) ընթացքում է ստեղծվել: 1 մ.
22. Աշխատանք Մեծ Հայքի ուրվագծային քարտեզի հետ. 1 մ. (2 X 0,5 մ.)
ա. Ո՞ր աշխարհն (նահանգն) է գունանշված:
բ. Ո՞ր գետի երկայնքով է անցնում նրա հարավային սահմանը:



23. Հայ ազատագրական շարժման ո՞ր նշանավոր գործիչն է պատկերված լուսանկարում.

0,5 մ.



24. Աշխատանք 1909 թ. մայիսի 2-ին տպված ծաղրանկարի հետ (պատասխանե՛ք հարցերին). 1 մ. (2 X 0,5 մ.)
ա. Կենտրոնում նստած անձնավորությունը ո՞վ է:

բ. Հայոց պատմության ո՞ր իրադարձությանն է հաջորդել ծաղրանկարում պատկերված դրվագը:



բ) Համաշխարհային պատմություն (10 միավոր)

- | | |
|---|--------|
| 1. Քաղդեացի ո՞ր ցեղապետն է Ք.ա. 626 թ. թագադրվել որպես Բաբելոնիայի արքա. | 0,5 մ. |
| ա/ Նաբուգոդոնոսոր
բ/ Նաբոպալասար
գ/ Նաբոնիդ
դ/ Սաուսադատար | |
| 2. Պարսից ո՞ր արքան է գրավել Ստորին Եգիպտոսը և իրեն հռչակել Եգիպտոսի փարավոն. | 0,5 մ. |
| ա/ Դարեհ I
բ/ Կյուրոս II
գ/ Քսերքսես I
դ/ Կամբիզ | |
| 3. Ե՞րբ է Ռեզա խանը հռչակվել Իրանի շահ. | 0,5 մ. |
| ա/ 1921 թ.
բ/ 1923 թ.
գ/ 1925 թ.
դ/ 1828 թ. | |
| 4. «Աստվածաբանության հանրագումար» աշխատության հեղինակն էր՝ | 0,5 մ. |
| ա/ Թովմա Աքվինացին
բ/ Ռոջեր Բեկոնը
գ/ Պետրոս Աբելյարը
դ/ Ֆրանչեսկո Պետրարկան | |

5. Ինչպե՞ս է որակել Երկրորդ աշխարհամարտի արդյունքների վերաբերյալ Մեծ Բրիտանիայի տեսակետը վարչապետ Ուինսթոն Չերչիլը: 0,5 մ.

6. Համապատասխանեցրե՛ք. 1 մ. (4 X 0,25 մ.)

1. Գերմանիայի և Իտալիայի միացյալ ուժերի կողմից Հարավսլավիայի և Հունաստանի նվաճումը
2. Խորհրդա-ֆիննական պատերազմի ավարտը
3. «Բարբարոսա պլանի» հաստատումը Ա.Հիտլերի կողմից
4. Ֆրանսիայի անձնատվության պայմանագրի կնքումը

1	2	3	4

ա. 1940 թ. հունիս բ. 1941 թ. ապրիլ գ. 1940 թ. մարտ դ. 1940 թ. դեկտեմբեր

7. Տրված տարբերակներից ընտրե՛ք 3 ճիշտ պնդումները: 1,5 մ. (3 X 0,5 մ.)

ա/ 1941 թ. հունվարի 1-ին 26 երկրների ներկայացուցիչներ Նյու Յորքում ստորագրել են Միավորված ազգերի հռչակագիրը:

բ/ 1935 թ. Գերմանիան գրավել է Սաարի հանքերը, 1936 թ.՝ Հռենոսյան ապառազմականացված գոտին:

գ/ 1940 թ. մայիսին Մեծ Բրիտանիայի վարչապետ է դարձել Ուինսթոն Չերչիլը, որը կարողացավ ամրապնդել երկրի պաշտպանունակությունը:

դ/ «Երրորդ աշխարհ» հասկացությունը քաղաքական շրջանառության մեջ է դրել ՄԱԿ-ի երկրորդ գլխավոր քարտուղար Դագ Համմերշելդը:

ե/ «Նոր աշխարհակարգ» հասկացությունը քաղաքական շրջանառության մեջ է դրել ԱՄՆ-ի նախագահ Ռոնալդ Ռեյգանը:

զ/ 1949 թ. ապրիլին Վաշինգտոնում 12 երկրներ ստորագրել են Հյուսիսատլանտյան դաշինքի (ՆԱՏՕ) ստեղծման պայմանագիրը, իսկ երեք տարի անց դաշինքի անդամ են դարձել Հունաստանը, Թուրքիան և Գերմանիան:

է/ 1949 թ. Արևելյան Եվրոպայի երկրների մեծ մասը տնտեսապես միավորվել է Տնտեսական փոխօգնության խորհուրդ (ՏՓԽ) կոչվող կազմակերպության մեջ:

ը/ 1955 թ. մայիսին Վարշավայում ԽՍՀՄ-ը, Ալբանիան, Բուլղարիան, Լեհաստանը, Հունգարիան, Ռումինիան, Հարավսլավիան և Չեխոսլովակիան ստորագրել են պաշտպանական դաշինքի ստեղծման վերաբերյալ պայմանագիր:

1	2	3

8. Թվարկում և ընտրանք. 2 մ. (4 X 0,5 մ.)

ա. Թվարկե՛ք Նացիստական Գերմանիայի կառավարման համակարգում Ա. Հիտլերի մերձավոր համախոհներից 2-ին:

բ. Ընտրե՛ք 1940 թ. Բրիտանիան նվաճելու գերմանական ծախողումից հետո Արևելյան Եվրոպայում գերմանամետ վարչակարգ հաստատած պետություններից 2-ը. Հունաստան, Թուրքիա, Նիդերլանդներ, Բելառուս, Ուկրաինա, Ռումինիա, Մոլդովա, Բուլղարիա, Հարավային Բուլղոփինա, Մակեդոնիա, Կոսովո:

9. Աշխատանք ուրվագծային քարտեզի հետ. 1 մ. (2 X 0,5 մ.)



ա. Վաղ արդի ժամանակաշրջանի (ուշ միջնադարի և նոր ժամանակների) ո՞ր պետությունն է պատկերված մուգ գույնով:

բ. Ո՞ր երրորդ դարում է այն մասնատվել հարևան տերությունների միջև:

10. Ո՞ր դրամատուրգն է պատկերված.

0,5 մ.



11. Աշխատանք պատմական պաստառի հետ.

1,5 մ. (3 X 0,5 մ.)



ա. Ո՞ր թվականի իրադարձության է առնչվում պատմական քարոզչական պաստառը:

բ. Ո՞ր պատերազմի մասն էր կազմում ռազմական այս գործողությունը:

գ. Ռազմաքաղաքական ո՞ր դաշինքի օգտին էր այս գործողությունը:

Հանրապետական օլիմպիադայի
հանձնաժողովի նախագահ՝

ԵՊՀ հայոց պատմության ամբիոնի դոցենտ,
պատմ. գիտ. թեկնածու Մ. Մալխասյան

06.03.2024 թ.